

KJARASAMNINGUR

milli
Félags sjúkráþjálfara annars vegar
og
Heilsustofnun Náttúrulækningafélags Íslands (HNLFI) hins vegar
um kjara- og réttarstöðu félagsmanna FS

1. gr.

Gildissvið og ófrávikjanleiki

Kjarasamningur þessi tekur til þeirra starfsmanna ofangreinds vinnustaðar, HNLFI, sem eru félagar í Félagi sjúkráþjálfara (FS) og eru þeir nefndir félagsmenn í samningi þessum.

Breytingar í ráðningarsamningi félagsmanni í óhag – í heild eða að hluta – eru ógildar, sbr. 24. gr. laga nr. 94/1986 um kjarasamninga opinberra starfsmanna.

2. gr.

Meginefni

Um kjör félagsmanna sem samningur þessi tekur til, og samskipti aðila samnings þessa skal fara eftir öllum form- og efnisákvæðum kjarasamnings FS við Samtök fyrirtækja í velferðarþjónustu (SFV) á hverjum tíma – svo og fylgiskjölum og öllum bókunum eftir því sem við á – nema öðruvísi sé sérstaklega um samið í kjarasamningi þessum við HNLFI. Kjarasamningur FS við SFV var síðast endurnýjaður þann 1. júní 2018 og liggur fyrir við samningsgerð þessa ásamt fyrri kjarasamningum sem vísað er í og hafa báðir aðilar kynnt sér þessi gögn.

3. gr.

Önnur réttindi

Um kjör félagsmanna og réttindi – svo og aðrar skuldbindingar samningsaðila – fer einnig að breyttu breytanda eftir eftirfarandi samningum og viljayfirlýsingum ríkisins við BHM f.h. aðildarféлага þess:

- a) Samkomulag um trúnaðarmenn, dags. 9. janúar 1989, milli fjármálaráðherra f.h. ríkissjóðs og BHMR f.h. aðildarféлага.
- b) Samkomulagi um starfshætti samstarfsnefnda dags. 9. janúar 1989, milli fjármálaráðherra f.h. ríkissjóðs og BHMR f.h. aðildarféлага.
- c) Samkomulagi um form ráðningarsamninga og skyldu til að upplýsa starfsmenn um ráðningarkjör milli fjármálaráðherra annars vegar og ASÍ, BHM og BSRB hins vegar, dags. 25. Júní 1996 (sbr. Reglur nr. 351/1996).
- d) Samkomulagi um lágmarksreglur um auglýsingar á lausum störfum samkvæmt 7. gr. Laga nr. 70/1996 um réttindi og skyldur starfsmanna ríkisins milli fjármálaráðherra annars vegar og ASÍ, BHM og BSRB hins vegar, dags. 12. ágúst 1996 (sbr. reglur nr. 464/1996).
- e) Samningi um ákveðna þætti er varða skipulag vinnutíma, dags. 23. janúar 1997, milli fjármálaráðherra f.h. ríkisins, Reykjavíkurborgar og Launanefndar sveitarféлага annars vegar og ASÍ, BHM, BSRB og KÍ hins vegar.
- f) Samningi um rétt þungaðra kvenna til mæðraskoðunar, dags. 13. ágúst 1999, milli fjármálaráðherra og BHM.
- g) Samkomulag Bandalags háskólamanna, BSRB og Kennarasambands Íslands og fjármálaráðherra f.h. ríkissjóðs um viðbótarframlög til lífeyrissparnaða, dags. 20. desember 2000.
- h) Samkomulag frá 24. október 2000 og 22. desember 2004 milli fjármálaráðherra f.h. ríkissjóðs, Reykjavíkurborgar og Launanefndar sveitarféлага annars vegar og Bandalags

MP
138

háskólamanna, Bandalags starfsmanna ríkis og bæja og Kennarasambands Íslands f.h. aðildarfélaganna sinna hins vegar um tiltekin atriði er varða réttindi starfsmanna sem eru félagsmenn aðildarfélaganna framangreindra samtaka

4. gr.

Réttarstaða

Réttindi og skyldur félagsmanna í starfi hjá HNLFI, skulu að öllu leyti vera hliðstæð réttindum og skyldum starfsmanna sbr. kjarasamning FS við SFV, svo og stjórnarsýslulögum nr. 37/1993.

5. gr.

Efni ráðningarsamnings

Við ráðningu félagsmanna er skylt að nota til þess gerðan ráðningarsamning, sem báðir aðilar viðurkenna. Í ráðningarsamningi skal auk tilvísunar í starfslýsingu tilgreina starfsheiti, laun, greiðslutímabil launa, vinnutímamafyrirkomulag, vinnutíma, vinnustað, upphafstíma ráðningar – svo og lokadag sé ráðning tímabundin, starfsaldur og önnur starfskjör, svo og stéttarfélag. Að öðru leyti vísast í samkomulag um form ráðningarsamninga og skyldu til að upplýsa starfsmenn um ráðningarkjör milli fjármálaráðherra annars vegar og ASÍ, BHM og BSRB hins vegar, dags. 25. júní 1996 (sbr. reglur nr. 351/1996).

6. gr.

Lífeyrissjóðsaðild

Félagsmenn eiga rétt á að vera í A-deild Lífeyrissjóðs starfsmanna ríkisins (LSR) og greiða 4% iðgjald til LSR. Stofnunin greiðir mótframlag til LSR, nú 11,5% auk lífeyrisauka, samkvæmt reglum LSR á hverjum tíma, sbr. lög nr. 1/1997 um LSR, og samþykktir sjóðsins á hverjum tíma. Félagmenn sem nú eru í B-deild LSR halda þeim rétti áfram, sbr. lög nr. 1/1997 um LSR. Stofnunin greiðir mótframlag til B-deildar samkvæmt reglum sjóðsins á hverjum tíma, enda hafi HNLFI tryggt sér heimild til þess.

7. gr.

Sjóðsaðild

HNLFI greiðir fyrir félagsmenn FS í eftirtalda sjóði: Orlofssjóð BHM, Starfsmenntunarsjóð BHM og Styrktarsjóð BHM svo og starfsþróunarsetur háskólamanna. Aðild félagsmanna að sjóðunum er sem endranær háð greiðslu sjóðsframlags samkvæmt gildandi kjarasamningi sem vísað er til í samningi þessum.

8. gr.

Gildistími

Gildistími kjarasamnings þessa er sá sami og gildistími núgildandi kjarasamnings FS við SFV, þ.e. frá 1. september 2017 til 31. mars 2019, en að því loknu skal farið eftir kjarasamningi þessum uns nýr kjarasamningur hefur verið gerður milli aðila þessa samnings, sbr. 2. mgr. 12. gr. laga um kjarasamninga opinberra starfsmanna.

MS
BP

9. gr.

Lagarammi

Um samskipti aðila kjarasamnings þessa – þ.m.t. réttarstöðu trúnaðarmanna, samstarfsnefndir, gerð kjarasamninga og vinnudeilur – gilda tilvitnaðir samningar og lög um kjarasamninga opinberra starfsmanna, sbr. 2. gr. laganna.

10. gr.

Betri réttur

Félagsmenn, sem notið hafa betri réttinda en samningur þessi gerir ráð fyrir, skulu halda þeim óskertum.


Hveragerði, hinn 5. júní 2018

Samþykkt fh. Félags sjúkraþjálfara

Samþykki f.h. Heilsustofnunar
Náttúrulækningafélags Íslands

með fyrirvara um samþykki félagsmanna,

með fyrirvara um samþykki stjórnar,


Halldóra Sigurðardóttir

